



瑠玉集第十四



真福寺本

又 8
4908



瑠玉集 第十四



真福寺本の瑠玉集ハ第三と第十四との二巻なり本
書ハすまらぬその影写本ナリ

真庭識

琬玉集卷第十四

琬玉集卷第十四

黑川真道藏書

溫故堂文庫

美人醜人肥人瘦人嗜酒別味祥瑞恠異
美人篇第一

黑川真道藏書

昔妹嬉滅夏妲己喪殷褒姒覆邾夏姬亂國黃
公謙女陰后感夫西施絕倫王昭越衆真妻齒齕
飛鸞織霄馮貴應靈李夫見影江充獨麗
潘岳雙珠衛玠璧人太初玉樹何晏疑粉韓壽
驚香叔夜寶山杜和點沫
妹嬉夏王祭之后也為人美艷夏祭耽之荒淫

無度妹嬉好聞裂繒之聲。祭每積繒，恒使人裂之以順其意。專酒嗜色，好為爛湯之戲。殷湯介時為夏，臣數進忠諫。祭以為嫉言，乃囚湯於夏。當後復致之，開寵途。又數諫祭，乃誅之。後為湯所滅。出太史公記。

大西記
蘇侯獻之於紂。妲己美麗，一嘆有百十種媚。紂耽之，不恤朝政。妲己見善事，則瞋見惡事，則慍。紂乃鑿銅柱燒使熱，赤令人緣之人皆患熱墜，落火中。妲己見之大嘆，用以為樂所。

有諫者皆悉誅之。後為周武王所滅。出太史公記。

褒妲周時褒國之美女也。褒人獻於周幽王，耽之遂逐。申后立褒衣妲為皇后，其一嘆有百廿種媚。然褒衣妲非集大衆不嘆。幽王於是舉烽打鼓，諸侯聞之謂言有賊，皆赴殿前。王曰：無賊，欲使褒衣妲嘆耳。如是非一後，大戎來伐王，使放烽。諸侯謂言無賊，心為褒衣妲嘆也。遂休不伐。大戎來至王及褒衣妲並皆被斂。出帝王世記。

夏姬周時陳大夫夏御叔之妻姿容甚美御叔卒夏姬後三為王后七為夫人納之者無不迷惑陳靈公與大夫孔寧儀行父共通於夏姬廢失朝政夏姬子徵舒遂斂靈公也又申公巫臣盜夏姬亡奔晉人斂巫臣又取夏姬出太史公記黃公周時齊人也有二女姿艷特麗絕難返黃公好譏每稱女醜名遠布過時無有媿者出尹文子書

陰后字麗華後漢初南陽宛人也后兄名識為執

金吾光武布衣時每見執金吾車騎甚盛又聞麗華艷美乃嘆曰仕宦當得如執金吾娶妻當得陰麗華足矣及登位果如所願遂娶麗華為皇后出前漢書

西施周時越之美女也越王句踐以獻吳王夫差甚愛幸之西施曾在市人欲見者乃輸金錢一文方始得見出吳越春秋及史說

王昭前漢南郡秭歸人也以其端政選入後宮漢元帝時宮人羨女悉遣工圖畫其形而召幸之昭君自

以羨麗不求畫、師、乃圖昭君為拙昭君於是
見御甚希時元帝与兒奴和親欲嫁宮人与之乃
者畫圖取其醜者遂召昭君出嫁兒奴及見顏
姿婉麗帝意欲悔以不可追詔遂即遣之昭君
臨發泣淚作五言詩十二首辭漢帝文多不錄
出前漢書

冀妻後漢大將軍梁冀妻也甚有羨色又多妖
態能作愁眉涕粧墮馬髻折要月步齟齒咲以為
媚惑冀甚寵之出梁冀傳

飛鷁姓趙前漢平陽公主家侍者字飛鷁織軟
羨麗又善歌舞漢成帝見而悅之乃進入宮後
偏得幸遂立為皇后出前漢書

馮貴前漢、桓帝貴人也羨艷絕雙死後卅餘年
群賊發其塚見貴人顏色如故賊遂覓奸之鬪爭
相斃而死出幽明錄

李夫前漢隴西成紀人也羨麗殊絕漢武帝納為
夫人極蒙寵幸夫人後遇患數日武帝親自臨視
夫人見帝、來者以被蒙面帝以手撥其被遂

轉面向壁帝去後其婦謂夫人曰帝自臨病情不能已夫人將困奈何不以一言囑兄弟乎乃蒙面不承帝顏夫人曰帝顧我者以我平生自麗今病容悴帝若見我當有愛棄之心兄弟^安私得光榮乎姊伏其言夫人已後帝思念不堪時有方士少翁能致其神猶若平生帝豎見夫人在帳內心可遙觀而不得出前漢書

江充前漢趙國邯鄲人也初至長安入於漢朝衣妙繫單衣步搖冠冕武帝見之曰燕趙故多

奇士遂拜為太中大夫出前漢書

潘岳字安仁晉時滎陽中牟人也少時挾彈出洛陽道婦人遇者無不連手共縈之後嘗乘車出行群姬爭以菓擲之滿車而歸及與夏侯湛為友相隨而行夏侯湛亦美時人謂之連璧玉雙珠出晉書

衛玠字叔寶晉時河東安邑人也小時乘白羊於洛陽市舉市共觀咸曰誰家璧人後玠從豫章還洛中觀者如堵焉玠先有羸疾而不堪勞遂成病而死時人咸謂者效衛玠出晉抄

太初姓夏侯名玄字太初魏時人也容白美麗
為黃門侍郎明帝使后弟毛曾与之共坐時人曰
薰葭倚玉樹也出世說

何晏字叔平魏時南陽宛人也面恒似粧文帝常
疑之搏粉時夏月喚与熱湯餅既噉汗出以朱
衣拭面轉更鮮潔位至尚書出魏志

韓壽晉時潁川人也為太尉掾甚有姿白太尉
賈充有女在室見壽美麗心欲悅之遂与壽通
充家有異種香女竊与壽得帶之又充坐

充恠壽所帶香疑壽与其女通遂打問其媢
以實告之充因以女妻壽出晉抄

叔夜姓嵇名康字叔夜晉時譙國人也為中散
大夫但康姿容特神明清爽山公曰叔夜為之
人也巖巖若孤松之獨立其醉也嵬峩若玉山
之將崩出晉抄

松知晉時人也容白甚美王右軍見之嘆曰面若
凝脂眼如點漆此乃神仙之儔實難有返也出
晉抄

醜人篇第二

昔則嫫母鋸頭願髑無塩戾股亞匈梁冀豺
目鸞肩周蠻鼻頭鳥隼益陽頻遭嫗凡阮
女急捉夫衣賈鄉善射逢歡駸幾能言
遇寵蔡澤唐公不相田文趙衆俱嗤敦洽皂
拙得怜右思容廉被嗤

嫫母黃帝時極醜女也鋸頤願頰形廉色黑
今之魁頭是其遺像而但有德黃帝納之使
訓後宮出帝王世家

無塩六國時齊無

邑之女極醜為人長肘

戾股細頸結喉銳頤欠頭亞匈墜肩身

體枯黑齟齒獻鼻年過卅行嫁不隼時

齊宣王方置漸臺無塩乃自詒於宣王申

四殆之說宣王於即傳漸臺罷女樂退讒言

進直諫即拜無塩為皇后出新序

梁冀字百卓後漢安定人也位至大將軍容皂

甚陋犴目鸞肩官不擇人仍登重職出後漢書

周蠻後漢人也拙為容皂不可觀採鼻頭折

頰鳥鳴欠頭但清高敷心方外不以官位存
懷唯慕煙霞任誕出後漢書

孟陽姓張晉時人也每行小兒老嫗皆以凡石
擲之滿車而返出晉抄

阮女魏時阮伯產之女適與許允為妻一交
禮訖允永不入桓軌語允去阮女與鄉故當有
意君宜察之允復強入既見於婦還即欲出婦
便執之不放允曰婦有四德鄉具幾答曰新婦
所乏唯容耳然士有百行君具其幾答曰皆備

婦曰丈夫百行以德為首君好色不好德何
謂皆備允有慙色遂雅相敬重出魏志

賈鄉賈國之鄉不知其姓名也取婦而美婦恨
夫醜三年不言不笑賈鄉後與婦御車適野逢
見一雉賈攬弓發弦即獲其妻始笑賈鄉曰
與君夫妻已經三載未嘗見君開顏今者如
何輒然笑也妻又言曰前恨君拙是以不言今
羨君才是以笑耳夫妻遂爾相敬可謂有才
掩於弊也出春秋

駸蕞鄙人也叔向適鄭駸蕞欲觀叔向從宰夫
收器者而往立於堂下一言而善叔向將飲酒聞
之曰必駸也下執其手曰素問君賢無方歎叙子
若不言幾失子矣駸明且拙故云此也出春秋
蔡澤燕人也就魏人唐舉請相舉執視而笑曰先
生偁鼻處肩黉頰戚鷄吾聞人聖不相先生無
勞相也出春秋後語

田文齊國孟常君也豪俠當世養客數千智策
謀謨名震諸國後因至趙人先聞其名覓往

觀囑乃見其佷陋且拙諸人不覺一時大笑田文乃
怒令士卒擊之盡殪遂即還返出春秋後語

敦洽魯人也頭黃面黑大頰少髮皮膚若漆特
蒙陳右愛幸比至餘甚雖醜何嫌出東部抄

左思字泰冲晉時人也嘗數潘岳遊遨郡嫗圍
遶齋共唾之委頓而返出晉抄

肥人篇第三

昔則劉倉要月帶三丈孟業身重千斤滿舊
遍體膏流趙伯肥臍藏李董卓眈然數日

趙女嫁易兩夫陳羣馬不能勝庾高大車纒受
劉倉後漢明帝同母弟也封為東平獻王倉為人
豐偉要胛帶十圍帝問之曰在家何等取樂對曰
為善取樂帝曰其言甚大副其要胛腹也出後漢書
孟業晉時幽州刺史也為人大肥下官還京晉武帝
意欲稱之乃作大稱掛於殿壁業入見之曰陛下作
稱欲何為也帝曰朕聞人重千斤者吉朕欲
自稱有幾斤業曰陛下正欲稱臣耳無煩聖
躬於是稱業果行千斤出王隱晉書

滿舊山陽人也不知在於何帝為人甚肥每至
夏月膏流墮地有人以器承取用為燈燭出類林
趙伯姓趙字伯翁不知何時人也為人大肥夏日醉
卧有數歲孫兒緣其腹戲因以李子八九枚内毗
臍中後李爛汁出謂言臍濃告家人曰我将死矣
遂遺勅分處須臾李核乃出始知孫兒所為出
笑林

董卓字仲穎後漢隴西臨洮人也獻帝時為太師秉政

後以謀反被誅曝屍於長安市為人大肥膏流於地
守屍吏以其臍中燃燈光明數日出後漢書

趙女趙伯翁之姊也乃肥於兄嫁與王、氏以其
肥不能獲時遂誣之去無有女身因即放遣更後
嫁李、氏、方始得其女乃知昔日黜退實是
誣狂出魏志

陳羣字長文魏時潁川人也祖寔太丘長父允方
冀州刺史著名漢世群魏明帝時為司空為人甚
肥馬不勝恒乘車上下出魏志

庾嵩字子嵩晉時人也為豫州刺史身甚肥大
不得乘馬別作大車方始容受出魏志
瘦人篇第四

昔則要離逆風便偃蔡義人扶始行張良每任乘
車孔安不勝重服

要離周時吳國人也為性尪弱逆風則偃慎風則伏
但有智謀能致猛夫慶忌出史記

蔡義前漢丞相也為人瘦弱臨朝莅官要須人
扶方始能行出前漢書

張良字子房秦時韓人也時秦無道豪傑竟起
漢高於是聚黨討伐因得張良設策竟定天
下然良性甚瘦弱不能騎乘每在輿中人運從
於漢高故漢書曰良在帷幕之內決勝千里之
外也出漢書

孔安性孔字安國前漢人也為武帝博士至臨侯
太子為人瘦弱羸劣少力不勝重服

嗜酒篇第五

昔則陶潛脫巾眷友陳遵板轄留賓阮藉乞

作步兵鄭泉求埋窠側馬融一石誦議伯倫五斗
解醒阮宣杖掛百錢劉表爵為三雅山蘭興便
茗芋管輅醺乃清冷子返以酒身殂楊雄因醪
易訖孔群羨談糟完畢卓願柏酒池王忱飲即
累旬康成柘便三百謝尚著縷趨會周顛帶
轍連酣張季不慕後名嵇康玉山任倒

陶潛字荆明宗文帝時人也好慕山水恒處幽林
以酒暢釋有人就者輒脫葛巾沽酒畜一素
琴及一醉一撫一柏蒲詠而已出王智深宋書

陳遵字孟公王莽時京地人也為河南太守會客飲酒將酣恐客走避輒令人拔車轄投於井中客雖欲去而不得也出穎林

阮籍字嗣宗晉時陳留人也飲酒至八斗每鹿車載酒身居其中使人推之心息之處輒飲至醉藉聞步兵厨中守酒三百石遂請為步兵校尉文帝許之於是恒與劉伶酣飲厨中藉任至東平太守出晉抄

鄭泉字文淵陳郡人也孫權時為太中大夫為

性好酒乃嘆曰願得三百斛酒滿其中以四時甘餼置於兩頭安亦升在傍隨減隨益方可足一生耳臨死之日勅其子曰我死可埋於窻之側數百年之後化而成土覬取為酒甌獲心願矣出吳書

馬融字季長後漢扶風茂陵人也飲酒得至一石誦道論好未曾差失官至南郡太守出桓譚新論伯倫姓劉名洽字伯倫晉時沛國人也為性好酒

一飲一石醒即復飲終日恒醉其妻涕泣諫曰
君飲酒太過非攝生之道必宜斷之冷曰甚哉
我不能自禁唯當咒鬼神因誓斲之耳可更持酒
將來妻曰敬聞命矣即具於前請冷咒曰天生劉
冷一飲一石五升解醒婦人之言慎不得聽便執醪
酣飲已復醉矣其妻愕然無如之何出晉抄
阮宣字子常晉時陳留人也為性好酒不慕榮祿
每步行以百錢著杖頭至酒店上獨酣醪而与錢
盡歸明日還復然也出

劉表後漢末人也為荊州刺史而甚好酒造其酒
爵以為三品大曰伯雅中曰仲雅小曰季雅在坐客
有醉者輒以針刺其面取之虛實出九州記

山蘭字季倫晉時河內人也即是山濤之子為荊
州時每往峴山就習郁家園池興酒醉而歸時人
歌曰山公何所往逕造高陽池日暮倒載歸茗芋
無所知時復乘駿馬倒著白梅籬舉手語葛強
何如并州兒出襄陽記

管輅字公明魏時平原人也年十四飲酒頽傾三升

神智弥更清辯時瑯琊太守單子春聞其名召
輅相見欲校論經史輅謂子春曰府君名士加有雄
貴之姿輅既年少懼失精神請先飲酒三升然
後論說子春即使人酌三升酒与之輅預飲盡於
是唱大論之端列聖藉之旨答對應機人嘆伏
因号為神童出魏志

子返周時楚人也楚莊王攻宋子返為將子返好酒
有穀陽人進酒於子返飲之大醉莊王臨戰恠
子返不出王往帳中見子返醉遂即斂之進酒者

非惡子返所謂行小忠是大忠之賊也出韓子

楊雄字子雲前漢蜀郡成都人也為性嗜酒
不離其側但飲酒方始有才而太玄易因酒乃
得成也出前漢書

孔群晉時人也位至鴻臚卿為性好酒王莽相語云
卿恒飲酒不見酒家覆祝布淹之日月糜爛群曰
不尔竊見糟完知復宜久郡嘗与親舊書云今年
田得七百斛秫未了麴蘗事出晉抄

畢卓字茂世晉時新蔡人也為性好酒每日一手

持螯螯一手持酒杯泊浮酒池中便足了一生
耳後為吏部郎恒飲酒廢職比舍有郎釀酒始
熟卓因醉夜至其甕間取酒飲之掌酒者謂是
盜執而縛之其郎往視乃畢吏部也便釋其縛卓
復引主人飲於甕側取醉而去出晉抄

王忱字伯大晉時人也位至荊州刺史忱好酒至荊
州轉甚一飲或累月不醒遂以此死每日三日不
飲酒便覺形神不復相親也出晉抄

康成後漢北海高密人也姓鄭名玄字康成位至

司農後袁紹壁玄乃餞之城東欲玄必醉會三
百餘人離席奉觴白旦及暮度玄飲三百餘杯
而玄溫雅之容終日無殆出後漢

謝尚字仁祖宋時陳郡人也位至鎮西將軍豫州
刺史尚性好酒既送兄至還歸王濛劉惔時正
興飲使人要尚雖未許然已停車重要便即迴
駕諸人出門迎之袒臂便不纔得脫憤著帽遂即
酣醺過半始覺未脫其纜出

周顛字伯仁晉時汝南安成人也位至僕射恒次飲

酒嘗經三日不醒時人謂之三日僕射出晉抄

張季姓張字季鷹晉時人也繼任不拘於世時人号為江東步兵或謂之曰鄉乃繼適一時獨不為身後名也荅曰使我有身後名不如即時一椀酒出晉抄

嵇康字叔夜晉時譙國人也為性好酒傲然自縱与山濤阮籍無日不興且康美自其醉也若玉山之將崩出晉抄
別味篇第六

昔則易牙飲潘知淡師曠食飯別薪張華啗鮓識龍符朗食我鳥達色

易牙周時齊國大夫也善能別味凡食皆知其本末飲潘澠二水以為淡於餘水出類林

師曠周時晉國鄉也晉平公曾賜曠御食既食曰此必是勞薪為爨平公試問宰人對云用故車脚炊飯出史記世說一去荀勗亦然

張華字茂先晉時范陽人也時有一人饋陸機一器鮓膏之甚美轉餉張司、空、曰此龍完也陸

機未信司空曰以苦酒灌之必當有異便如其言
即有五色文章陸機問鮓主所得答言家園中
積稻發而得百魚長三尺遂以為鮓、羨故將奉
送果如其言出晉抄

符朗字元達晉時符堅從子為青州刺史善識
完味食鷓鴣知完白黑之食處雞知栖宿半露之
處符堅既敗晉遂代青州朗降於晉既至楊
都時晉會稽王司馬道子具設江左珍饈與朗
高會因問朗曰關中羨膳若於此朗曰在此塢味

稍生耳及問宰夫果以生塢作食是時在坐有豪
俊迭相誇侮欺朗北魯之人朗更倨傲命左右僮僕
長跪於前張口朗輒遙啗口中遣令送出時人皆伏
之出秦書

祥瑞篇第七

昔則皇帝星垂半月虞舜天出景雲堯主屈軼
生庭武王赤鳥銜表劉季紫雲縈頂秦獻金雨櫟
陽漢宣鳳集藪郊武帝麟遊好時稔公雀書
感霸呂豎魚璜應祭鄭和廐俠乘車楊震鱣

垂譚屋

皇帝古者三皇即軒轅黃帝也時有景星出見
形如半月麟麒麟鳳凰皆遊苑囿洛龜負書而出
河龍銜圖而至此乃德感上天致有斯瑞也出帝
王世記及尚書中候也

虞舜即五帝之舜也時有景雲出見景雲者
五色雲也見則天下太平出帝王世記
堯主即五帝之堯也時有龍馬銜圖而出鳳
凰來降有數孳儻屈軼之草乃生於庭若見倭

人來入則便指之以是天下太平擊壤歌路出

太史公記

武王文王之子周武王也將伐紂至於盟津之上有
白魚跳入王舟赤鳥銜芒麥投船太公曰周公
赤殷尚白之魚入舟獲殷之像及至河陽八百
諸侯不期而會不謀同辭皆言紂可伐武王後
果剋紂出帝王世記

劉季字邦秦時沛人也嘗避罪逃山其婦推求往
見之季謂婦曰因何數知吾家答曰君所心處

其上每有紫雲暨而往尋以是得知君處又季
與項羽爭天下范曾謂羽曰吾使人暨劉季之
氣為龍皆成五色此天子氣也後劉季果為天
子出前漢書

秦獻周時獻公也即位廿年雨金於櫟、陽、秦
郡也秦以金德而王致感金之瑞也出太史公記
漢宣即漢宣帝也時數有鸞鳳集長安宮闕中
樹上及在郊數又南郡來獻白虎出前漢書

武帝即漢武帝也時祠好待乃獲白麟因作
白麟之歌又東海獲於赤鴈遂作朱鴈之歌出
前漢書

穆公即秦穆公也公時出遊忽聞雷聲有火從
上而下化為白雀口銜丹書集公車上穆公因
即霸語諸侯也出尚書中候

呂暨姓羨字子牙殷末東海人也聞文王有德
而往歸之遂處磻磳之山釣得一魚、腹中有
玉璜因之為應遂為文王之師也出尚書中候

鄭弘字臣君後漢會稽山陽人也為臨淮太守當出行忽有二白鹿俠弘車兩相而行郡主簿黃國賀曰三公車傍盡作鹿府君必為宰相弘後果為尚書令出後漢書

楊震字伯起後漢弘農人也震當與諸生講書忽有鶴鶴銜鱸魚下講堂前諸生賀曰魚者大夫衣服之像數三者三公也先生必為三公震後果為大尉也出後漢書

恠異篇第八

昔則夏桀大豨河盡殷紂鬼哭山鳴周幽江水逆流秦始神遺舊璧靈王穀洛相闢昭帝京地社移漢景角出犒頭梁孝長生牛背石勒旋風下石齊王產婦截劑任高二女連胷晉懷雙鸞出陷鄭伯車飄落濟王莽日墜埋光霍禹群鼠舞庭武帝死牛能語夏桀夏王也姓姒名履酷虐望荒不治國政將亡之時河水暴竭大豨市中或群豨投淵以為恠異遂為殷湯所滅出夏本記

殷紂殷王也姓子字受名太乙荒亂不治國
政將亡之時伊洛二水竭天雨血石雨鬼哭山
鳴地陷徹泉兩日竝出及紂遊獮雪深一丈
然紂安然不恐遂為周武王所滅出

周幽周王也姓姬字宮涅將亡之時蜀岷山
崩擁江之水逆流數百里李伯陽嘆曰
昔伊洛竭而商正河竭而夏亡今山崩而水
逆流亡國之徵也後幽王果犬戎所斂出類林
秦始皇也姓嬴名政欲崩之時忽有山神

賈璧主遮使者車日將貴隔池君今年祖
寵死忽即不見使者持璧以示始皇觀
之乃是始皇渡江時所沉之璧始皇惡之其
年果崩也出太史公記

靈王周靈王也時穀洛二水相鬪將毀王宮王
使人壅之太子晉諫不聽王卒壅之周室遂
畀為諸侯所侵出國語

昭帝前漢昭帝也元鳳三年長安城南社壞

樹一根移在京地陌北社稷移言漢祚移於他姓後為王莽篡之出前漢書

漢景前漢景帝也即位經於四年長安城門內有獠生角後吳王濞反是其應也出前漢書

梁孝前漢文帝第二子也名武封為梁王人時鵬於梁山有人獻一牛足出背上孝王惡之其日即薨今南梁城是也出前漢書

石勒字世龍晉時上黨武香胡人也後起兵逼晉遂稱為帝建平四年天上忽下旋風囑地黃塵沸乱隱々如雷良久風心見一方石勒見而惡之俄尔石勒已死出趙書

齊王晉惠帝之弟名國封為齊王復領大司馬時有婦女夜中在司馬門寄產有司逐之婦女曰待我截劓便去時人聞之以不為祥言截齊者截齊王之頭也未經數日齊王坐謀反被

誅出晉陽抄

任喬晉時蔡縣吏也其妻產出二女兩面相向
胷已下至齊相連餘處並皆分別出晉書

晉懷晉懷帝也永嘉元年步廣里中地陷中
有二鷲出其一倉者飛去白者不能飛陳
留董養聞而嘆曰昔周時所盟會狄泉此地
是也倉者胡像胡當大盛白者金之衰不能
飛去其可盡言之石勒符堅等果王晉漸
衰也又有桑樹哭其音似解木聲出晉書

周時鄭莊王也姓姬字寤生鄭伯與齊盟
于石門既盟而遇大風鄭伯之車被飄落濟水
出春秋

王莽字臣君初篡三年內池陽縣墻有小人
影長尺餘或乘車或行操持万物小大各相稱
三日內有赤氣出東南竟天至地皇始
日色正黑無光出前漢書

霍禹前漢河東平陽人也是霍光之子漢宣
帝時為大司馬禹欲謀反其家有鼠白曰悉

出群舞於庭光妻夜夢竈在樹上又井水
滂溢禹意惡之後逕數日其事發覺帝誅
滅之出前漢書

晉武帝也姓司馬名炎字安世太康元
年荊州送兩足獠猴塞北有死牛頭能語又
犬鼻能行三百餘步至八年殿前地陷
方五尺深數丈中有破船木出晉書

瑠玉集卷第十四

用紙十六張天平十九年歲在丁亥三月寫

